



# basic education

Department:  
Basic Education  
**REPUBLIC OF SOUTH AFRICA**

**NASIONALE  
SENIOR SERTIFIKAAT**

**GRAAD 12**

**AFRIKAANS TWEEDE ADDISIONELE TAAL V2**

**NOVEMBER 2010**

**PUNTE: 80**

**TYD: 2 uur**

**Hierdie vraestel bestaan uit 12 bladsye.**

**INSTRUKSIES EN INLIGTING**

1. Hierdie vraestel bestaan uit DRIE afdelings.

AFDELING A: Opstel (40)

AFDELING B: Langer transaksionele teks (20)

AFDELING C: Korter teks (20)

2. Beantwoord EEN vraag uit ELKE afdeling.

3. Skryf in die taal wat geassesseer word.

4. Begin ELKE afdeling op 'n NUWE bladsy.

5. BEPLANNING, REDIGERING EN PROEFLEES:

- Jy moet jou skryfstukke beplan, redigeer en proeflees.
- Gebruik vir jou beplanning, byvoorbeeld 'n kopkaart, vloiediagram of sleutelwoorde, ens.
- Doen elke keer beplanning VOORDAT jy die finale produk skryf.
- Dui die beplanning duidelik aan.
- TREK 'N STREEP DEUR DIE BEPLANNING NADAT JY DIE FINALE PRODUK GESKRYF HET.

6. Beplan jou tyd só:

AFDELING A: 60 minute

AFDELING B: 30 minute

AFDELING C: 30 minute

7. Nommer elke skryfstuk soos wat dit in die vraestel genummer is.

8. Skryf die vraagnommer en die titel neer.

9. Skryf jou eie titel neer as jy oor 'n prent in VRAAG 1.5 skryf.

10. Skryf netjies en leesbaar.

**AFDELING A: OPSTEL**

Skryf 'n opstel van ongeveer 200 – 250 woorde oor EEN van die onderwerpe hieronder.

Skryf die nommer en die titel van die onderwerp wat jy kies, bo-aan.

**VRAAG 1**

1.1

**TOTSIENS, SKOOL!**

[Uit: *Daily Sun*, 23 April 2010]

Oor 'n paar dae is jy klaar met skool. Skryf 'n opstel waarin jy jou klasmaats, sekere onderwysers, die pouses, sport en ander aspekte van die skoollewe beskryf en sê hoe jy dit gaan mis.

**[40]****OF**

1.2



Die FIFA-wêreldbekertoernooi 2010 was 'n groot gebeurtenis in ons land.

Skryf 'n opstel en vertel die volgende:

- Waar jy gedurende die 2010 FIFA-wêreldbekertoernooi was
- Wat jy gedoen het
- Hoe die atmosfeer was
- Hoe jy gevoel het
- Wat die 2010 FIFA-wêreldbekertoernooi vir ons land gedoen/beteken het **[40]**

**OF**

1.3

**HOU ONS OMGEWING SKOON**[Uit: *Daily Sun*, 23 April 2010]

Skryf 'n opstel en vertel hoe jy mense in groepies verdeel het en wat hulle gedoen het om die projek om die omgewing skoon te hou, suksesvol te maak.

Verduidelik ook hoe die omgewing

- **voor**
- **gedurende**
- **na** die projek gelyk het.

**[40]****OF**1.4 **EISH! DAARDIE SMS!**

Jy het 'n sms wat jou groot laat skrik het, van jou maat ontvang.

Skryf 'n opstel en vertel die volgende:

- Wanneer jy die sms ontvang het
- Waar jy was toe jy die sms ontvang het
- Wat die boodskap in die sms was
- Wat daarna gebeur het

**[40]****OF**

1.5 Kies EEN van die volgende prente en skryf 'n opstel daaroor.

Skryf die VRAAGNOMMER van die opstel neer en gee jou opstel 'n TITEL.

1.5.1



[Uit: *Sarie*, November 2008]

[40]

OF


1.5.2



[Uit: *Clipart*]

OF

1.5.3




[Uit: Clipart]

[40]

OF

1.5.4



[Uit: Clipart]

[40]

TOTAAL AFDELING A: 40

**AFDELING B: LANGER TRANSAKSIONELE TEKS**

Skryf ongeveer 80 – 100 woorde oor EEN van die onderwerpe hieronder.  
Skryf die nommer en die titel van die onderwerp wat jy kies, bo-aan.

**VRAAG 2****2.1 RESENSIE**

Jy het EEN van die kortverhale wat julle vanjaar in matriek gelees het, baie geniet.

Skryf 'n RESENSIE oor dié kortverhaal sodat jy ander jongmense motiveer om ook die kortverhaal te lees.

Gebruik die opskrifte hieronder vir die RESENSIE:

- Titel
- Skrywer/Skryfster
- Belangrike karakters
- Die storielyn
- Die taalgebruik van die boek
- Die tema/boodskap
- Redes waarom ander jongmense dit ook moet lees

**[20]****OF****2.2 DIALOOG**

Jy is die kaptein van 'n sportspan. Jou span het die onder-negentien-afdeling gewen. Die skoolhoof wil weet hoe julle dit reggekry het.

Skryf die gesprek tussen jou en die skoolhoof neer.

Begin julle gesprek só:

Meneer: Môre, Nathi. Veels geluk, jou span het briljant gespeel.

Ek: Môre, Meneer. Baie dankie. Ek is trots om die kaptein van so 'n wonderlike span te wees.

LET WEL: Laat 'n reël tussen elke spreekbeurt oop.

**[20]****OF**



**2.3 INFORMELE BRIEF**

Lees die brief hieronder en beantwoord dit dan.

	Posbus 1425 Polokwane 0700 5 Oktober 2010
Liewe Nthabi	
<p>Ek weet dat jy my beste vriend is en dat ek enigiets met jou kan deel. Tienerlewe kan baie moeilik wees. Ek kan nie meer mooi dink nie en ek wil jou advies vra.</p>	
<p>Ek en Tshepo gaan al 'n paar maande uit en ek kan sien dat hy baie lief vir my is. Ek is ook lief vir hom, maar ek weet nie hoe ver hierdie verhouding moet gaan nie. Verlede week was ons saam met 'n klompie vriende en hulle het almal gerook en gedrink.</p>	
<p>Ek was eintlik bang om te rook en te drink, maar Tshepo het my gedwing om dit te doen. Gister het hy 'n sms gestuur waarin hy vra dat ek hom môre in die nagklub moet ontmoet sodat ons die nag saam kan deurbring.</p>	
<p>Nthabi, jy weet mos dat my ouers nooit so iets sal toelaat nie. Pa is 'n gerespekteerde mens in die gemeenskap en in die kerk. Ma sê elke dag dat ons kinders nie verkeerde keuses moet maak nie. Tshepo, aan die ander kant, dink dat daar niks met rook, drank en nagklubs verkeerd is nie.</p>	
<p>Die druk van die matriekeksamen en Tshepo wat wil hê dat ek by hom moet slaap, raak nou net te veel vir my. As oudste kind moet ek 'n goeie voorbeeld vir my jonger broer en suster wees. Alles word te veel vir my. Hoe op aarde kan ek my ouers teleurstel?</p>	
<p>Ek weet nie meer wat om te doen nie. Ek is baie jammer om jou met al my stories te pla, maar ek het jou advies baie nodig.</p>	
<p>Skryf gou terug asseblief en sê wat ek moet doen.</p>	
Jou bekommerde maat Dudu	

Jy is **Nthabi** en jy het hierdie brief van **Dudu** ontvang.  
Skryf terug aan Dudu en gee haar advies.

**[20]****OF**

**2.4 BRIEF VAN VERSOEK**

Jy wil graag ná matriek verder gaan studeer. Jou ouers kan ongelukkig nie die studiegeld bekostig nie.

Skryf 'n brief aan jou oom/tante waarin jy hom/haar vra om vir jou studies te betaal.

Hou die volgende in gedagte:

- By watter inrigting wil jy gaan studeer?
- Watter kursus wil jy gaan studeer?
- Hoeveel is die studiegeld?
- Hoe beplan jy om hom/haar terug te betaal?

**[20]****TOTAAL AFDELING B: 20**

**AFDELING C: KORTER TEKSTE**

Skryf ongeveer 60 – 80 woorde oor EEN van die onderwerpe hieronder.  
Skryf die nommer en die titel van die onderwerp wat jy kies, bo-aan.

**VRAAG 3**

**3.1 GOEIE STUDIEWENKE**

Jou maat wat in graad 11 is, wil by jou weet hoe hy/sy moet studeer. Jy het uitstekende studiemetodes wat jou gehelp het om goed te slaag.

Skryf TIEN WENKE neer wat jou maat kan volg.

Skryf die wenke puntsgewys (1 – 10) onder mekaar, in volsinne neer.

**[20]**

**OF**

**3.2 POSKAART**

Jy het aan 'n talentkompetisie (bv. dans, sing) deelgeneem. Jy het die organiseerders van die kompetisie baie beïndruk met jou vertoning. Jy was die wenner en het die oomblik geniet.

Daar is foto's van jou geneem en dit het in al die plaaslike koerante verskyn. Jy het ook 'n groot bedrag geld gewen.

Teken die poskaart oor in jou ANTWOORDEBOEK. Skryf dan op die poskaart en vertel jou maat kortliks van die kompetisie.

Hou die volgende in gedagte:

- Wanneer en waar is die kompetisie gehou?
- Watter kompetisie was dit?
- Hoe was jou vertoning?
- Hoe het jy as wenner gevoel?
- Wat gaan jy met die geld doen?

	Posseël
	_____
	_____
	_____
	_____
	_____
	_____
	_____

**[20]**

**OF**

### 3.3 ADVERTENSIE

Dit is jou laaste jaar op skool. Ná matriek gaan jy nie verder studeer nie. Jy gaan volgende jaar jou eie besigheid begin (bv. haarkapper, skoonheidsalon, spazawinkel, taxibestuurder of 'n 'DJ').

Beplan en ontwerp 'n advertensie om jou toekomstige besigheid te adverteer.

Hou die volgende in gedagte:

- Watter tipe besigheid gaan dit wees?
- Waar sal die besigheid wees?
- Wat sal die besigheidsure (weeksdag en naweke) wees?
- Wie sal die kontakpersoon wees?
- Wat sal die kontakdetails (huis-, werk-, sel- en faksnommer) wees?
- Hoekom sal jou besigheid die beste wees?

LET WEL: Punte word vir inhoud en NIE vir versierings toegeken NIE. **[20]**

**TOTAAL AFDELING C: 20**  
**GROOTTOTAAL: 80**